



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Francisci Toleti S. R. E. Cardinalis Svmma Casvvm  
Conscientiæ, Sive De Instrvctione Sacerdotvm Lib. VII**

**Toledo, Francisco de**

**Coloniæ Agrippinæ**

23. De modo concedendi indulgentias in communi.

**urn:nbn:de:hbz:466:1-40916**

dum paralytico non solum peccata dimisit, sed cum à pena  
liberauit, & adulteram à poena capitis fecit liberam: &c. Cor.  
2. legimus Paulū remissione aliquid poenae illi Corinthio. Hu-  
ius remissionis mentio habetur, imò sit in Concil. Ancyr. can.  
2. & Nicen. c. II. & Chalce. a. c. I. In quibus remissiones aliquot  
poenarū factas legimus, licet non tam amplias, vt modo sunt;  
quia tunc illi homines feruentiores erant in bonis operibus,  
& minus indigebant indulgentijs, quam nos; tamen tunc in-  
dulgentiae erant. Quæ Concilia antiquissima sunt, & idem in  
multis alijs Concilijs inueniuntur.

*De modo concedendi indulgentias incom-  
muni.*

CAPVT XXIII.

**P**ost eius definitionem, nunc, quibus modis indulgen-  
tia concedatur, considerandum est. In cuius rei deci-  
nem sunt aliquot prænotanda.

Primum est, duplex quantitas in aliqua poena consideratur,  
vna extensionis, quæ attenditur secundum maius, aut minus  
tempus, quo talis poena durat. Altera intensionis, quæ secun-  
dum grauitatem ipsius penitentie attenditur. Potest autem esse, quod  
vna poena sit maior altera quantum ad extensionem, non  
meni quantum ad intensionem.

Hoc supposito, aduerte, poenam Purgatorij esse maiorem  
poena huius mundi, quæ pro peccatis datur, quantum ad in-  
tensionem, non tamen quantum ad extensionem: plus enim  
durat poenitentia pro uno peccato in hoc mundo, quam in  
altero; tamen non est tam acerba poena, idque merito: nam  
in isto mundo homo debet esse alijs intentus, & vacare ope-  
ribus necessarijs ad vitam, hoc non posset præstare, si poena  
vnius anni esset vna hebdomada subeunda: tunc enim debe-  
ret esse intensa multum, & homo vix posset alteri operi atten-  
dere.

Secundò, quia homo debet conseruare vitam temporalem  
corporis, cui multum nocet poena multum intensa.

Tertiò, quia homo debet omni tempore bona operari, ad  
quod inducitur magis per poenitentiam extensiorem. In Pur-  
gatorio vero, non sic, sed poena debet esse grauior, & acerbius,

quia

quia locus est satisfaciendi, in quo diuina iustitia exerceatur. Debet etiam esse breuior, ne animæ iam Deo inseparabiliter adhaerentes diuino aspectu multo priuentur tempore.

Secundò notandum est, olim in pœnitentiæ foro dari solitas poenas graues pro uno mortali peccato: hoc enim commune erat, vt pro uno simplici mortali infligerentur septem anni p. o pœnitentia, aliquando verò plures duodecim, secundum grauitatem peccati. Cuius rei aliquot sunt exempla in Concil. Eliberitano c. 5. pro homicidio casuali infligebantur quinque anni; pro voluntario vero, quia erat mortale, septem. & in c. 64. pro adulterio infligebatur pœna decem annorum: & in synodo Romana sub Syl. vt habetur 82. d. can. presbyter, fornicatio sacerdoti infligebatur pœna decem annorum, & 30. q. i. can. si quis sacerdos, habetur quod rem cum filia spirituali habentii infligebatur pœna duodecim annorum peregrinationis, & post peregrinationem, perpetuo claudebatur monasterio. Huiusmodi sunt multi antiqui Canones. Circa quas poenas notandum est, non respondere omnino tempus pœnæ purgatorij pœnis huius mundi: v.g. si quis imposita pœna decem annorum, & ea non impleta, obiret, non puniretur in Purgatorio decem annis; & ratio est, quia in purgatorio pœna est acerbior; & breuior pœna, quatum ad extensio[n]em, æquatur alteri extensiōri, sed minus intensiōe. Rursus notandum est, non esse istam canonica[m] pœnam totam, qua homo propter peccatum dignus erat secundum Dei iustitiam; si enim taxandum esset demeritum, adhuc major, & quoad intensiō[n]em, & quoad extensiō[n]em pœna esset infligenda. Vnde fit, vt non semper illa pœna soluta, statim homo euolat ad cœlū, sicut nec modò soluta pœna in confessione imposta, sed aliquid restat in Purgatorio soluendum.

Tertiò notandum est, ex S. Thom. dist. 20. & Alberto & Antonino, p.p. tit. 10. cap. 10. quod indulgentia non solum remittit pœnam, quæ secundum canones infligitur, aut infligenda esset, & consequenter pœnam purgatorij, quæ ei respondeat, sed & remittit pœnam, quæ secundum Dei iustitiam esset infligenda. Vnde cum remittitur pœna unius peccati mortalitatis deleti quoad culpam per indulgentiam, tunc nulla pœna restat illius soluenda; cum autem remittitur pœna omnium, tunc omnino liber est homo ab omni pœna. Ista autem pœna computatur secundum dies, seu tempus huius saeculi. Ex quo intel-

liges rationem, quare in indulgentijs aliquando concedantur mille, & plures anni indulgentiarum: nam remittit pœna, pro qua homo deberet satisfacere per mille annos penitentia in hoc mundo. Nec mireris tantam summam annorum; nam multi plura peccata mortalia mille commiserunt, & secundum canones deberent septem millia annorum in penitentia transigere: & si essent secundum iustitiam Dei pœnæ infligendæ; adhuc plures essent; quamvis in Purgatorio non sit ista pœna soluenda tam extensa, sed in maxima parte conuertenda in intensiorem totum hoc delectetur per indulgentiam.

Quartò, notandum est cum communis sententia contra Caiet. quod cùm absolutè conceditur indulgentia, non apponendo illam particulam, *de iniunctis*, tunc valet quantum ad remissionem pœnarum, quæ in confessione nobis iniunguntur à Confessario, & quæ etiam essent iniungendæ, vel in confessione, vel in Dei iusto iudicio, & modo sub tali forma conceduntur. Ex hoc sequitur vnum illud, nimurum, quod per indulgentias concessas satisfacit homo pœnis impositis in confessione; vt si confessarius imposuit ei disciplinam, ieiunium, eleemosynam, vel similia aliqua opera exercenda, indulgentiam consequatur, non tenetur illas subire poenas, ut habet Anton. loco citato, Sylu. Armill. ver. indulgentia. Durat. dist. 20. quest. 4. & ita omnes sentiunt. Tamen optimum consilium est, illas implere pœnitentias: & quamvis multa huius sint causæ, hæc vna est præcipua: nam per illa opera homo consequitur augmentum gratiæ; per solam vero indulgentiam pœnæ remissio fit: plus autem valet unus gradus gratiæ, quam magna pœnæ remissio.

#### *De modis particularibus indulgentiarum.*

#### C A P V T XXIV.

**H**is suppositis, facile erit modos plures, quibus indulgentia conceduntur intelligere. Hi autem sunt sex.

Primus est, cùm conceditur indulgentia plenaria, & tunc remittitur pœna peccatorum mortalium remissorum, & venialium; ita vt nec vlla in hoc mundo, nec in Purgatorio maneat soluenda pro illis, si debite si homo consecutus indulgentiam. Aliqui ponunt differentiam inter plenam, & plenariam,